

Stani. Murzynowski Eq. Sol.  
De justificatione et justitia  
fidei  
Regiomonte.  
1552.





1305

CIMELIA

Cim. O. 1305

Kup. A. L. Medrielski N. 50 -



# DE IVSTIFICA TIONE ET IVSTITIA FIDEL.

DOCTRINA EX SACRIS  
litteris, ea breuitate explicata. ut a candidis  
et pie uiuere uolentibus, facile intelligi et  
probari possit. per STANISLAVM  
Murzynowski a Suschice, Eq: Pol:

REGIOMONTE APVD

Ioannem VVeinreich

M. D. LII.

5. Septemb.

*Ms. 1292. 6. 1931.*

Bibl. Jag.

*Isaiah viii*



# REVERENDIS

IN CHRISTO IESV

Patribus et Dominis, in Regno Poloniae  
et Ducatu Lituaniae Episcopis,  
et ceteris Religionis  
Antistitibus

Stanislaus Murzynowski a Suschice Eq: Pol:

Gratiam et pacem a Deo patre nostro et  
Domino IESV CHRISTO.

**S**AEPERECUM cogitavi, nec dum cogitare desij  
Antistites. Vnde nam, in populo Dei, tantū mali ori  
atur, ut eorū qui uerbū Dei, serio: ut uidetur: am  
plectūtur, et se uiros uere Euāgelicos Deoq; acceptos  
nō dubie credūt, nō pauci sint, qui cū summo probro  
sanæ doctrinae et plurimorum scandalo, uitam agunt  
improbam et contaminatissimam, nibiloq; meliores  
nūc sunt, cū uerbū Dei quotidie et legunt et audiunt,  
quā antea fuerunt, quando de uerbo Dei quasi per  
somnia audiebant. Quinetiam nonnulli maiore auda  
cia, sequuntur mundū et eius cupiditates, omnia sibi  
permittunt, huic seculo nequā: se conformare et ac  
comodare: pulcherrimū uel sane leue iudicant, seclan  
turq; ebrietates, cōmessationes, luxus, fastum, adul  
teria,

scortationes, homicidia, rapinas, oppressiones,  
iniurias, auaritiam, superbiam, impiam securitatem,  
et alia his similia. Cum quibus hominibus si fratres  
seu Christiani nominētur, cibum quoq; capere Apo  
stolus 1. Corinth. 5. uetat.

**A**lij uelut iam de uita aeterna securi, uerbum  
Dei ne legunt quidem aut audiunt, sed nauscant et  
contemnunt, uel si legunt, certe exinde non gloriam  
Christi et aliorū salutem, sed suam famam, aut diui  
tias, aut potentiam querunt, et eos per fas et nefas  
deicere conantur, quos suo nomini et cōmodis obsta  
re censent. aut reuera se praestantiores esse indignan  
tur. Et interim tamen omnes isti, pietatem et gloriae  
Dei studium prae texunt, nec aliud in ore habent aut  
crepant libentius, quā se acceptos esse Deo, uere  
filios Dei et heredes uitae aeternae propter Christū,  
idq; uel centies iurare ausint, cum potius fateri debe  
rent, se Christum prorsus ignorare. Quid enim dicit  
scriptura 1. Ioā. 2. per hoc inquit: Scimus quod cognouimus eum, si iussa illius obseruamus. Qui dicit noui  
eum et iussa eius non seruat, mendax est, et ueritas  
in eo non est. Et iterū Gala. 5. Manifesta sunt opera  
carnis, quae sunt haec, Adulterium, scortatio, im  
munditia, lasciuiia, simulacrorum cultus, ueneficiū,  
inimicitiae, lis, emulationes, irae, contentiones, se  
ditiones



ditiones, sectæ, inuidia, cædes, ebriitates, cômessa-  
tiones, et his similia, de quibus prædico uobis, quod  
qui talia agunt regni Dei hæredes non erunt. Quæ  
uerba et alia eiusmodi in Scripturis plurima, talia  
sunt, ut mirum sit, non dico tam multos, sed omnino  
aliquem reperiri, qui his uicijis uel alicui eorum ob-  
noxius, se Christianum appellare audeat, nec esse  
dubitet.

Sed ego quo magis causam tanti mali inquiero,  
hoc minus aliam grauiorem et uerorem uideo, quàm  
stultam multorum de Iustitia et Iustificatione Fidei  
persuasionem, ex uerbo quidẽ Dei, sed male detorto  
conceptam. Nempe cum profana mens hominum, ex  
limpidissimo omnis bonitatis fonte, haurit fidem,  
nescio quam, non tam Christianæ quàm Turcicæ, et  
ueterum Ethnicorum similem, qui et ipsi stultè per-  
suasi, falso credebant se placere Deo, et certo post  
hanc uitam beatos fore.

In tanta autem impietate uitæ eorum qui de  
uerbo Dei gloriantur, nihil mirum est, multos mor-  
tales malle ad ueteres errorũ Scopulos immori, quàm  
in ueritatem tot scandalis deformatam suspectamq; et  
iniusam redditam, concedere.

Ut igitur et ij qui offenduntur, et illi per quos  
eiusmodi offendicula ueniunt, cõmonefiant, uel potius  
ut saniozem

ut saniozem de Fide et Iustitia Fidei sententiã teneant,  
atq; inde uitam quoq; suam aliter instituerẽ, et alijs  
ad ingrediendam salutis uiam, prælucere possint, post  
multorum piorum æditos super hoc Articulo libros,  
et ipse primo breuiter propter tædiosos et occupa-  
tos, deinde etiam si res postulabit copiosius, et cum  
scripturæ sufficientibus testimonijs propter aliorum  
necessitatem, exponendum mihi iudicaui, quod senti-  
rem, maxime propter Sarmatiam nostram et præ-  
sentes dissensiones, si forte et gentiliũ meorum, pa-  
lato facilius; et tamen non minus pie; quàm ceteri  
satisfacere possim, et illorum uotis respondeam, qui  
meam quoq; de Iustificatione sententiam, requirunt.  
dum in tanta docentium uarietate, quid sequantur  
aut iudicent incerti sunt.

Hanc autẽ meam sententiam ex uerbo Dei certe  
petitam: licet nude et locis scripturæ nõ cuilibet satis  
allegatis proposita sit, ad uos Antistites potissimum  
perscripsi, ut si uobis: quod spero: probata fuerit,  
defendatis eam contra eorum insectationes, qui suis  
et aliorum peccatis blandiuntur, nec pati doctrinam  
possunt, quæ: illos omnes Christianos esse negat etiã  
si se propter Christum Deo placere confidenter  
opinentur, qui pie secundũ præscriptum Domini nõ-  
stri Iesu Christi nõ uluunt. Deinde ut ceteris quoq;  
per uos



per uos cōmendetur, cōmendata uero aliquem fructū in Ecclesia Dei afferat. Videtis enim Patres uenerandi, quā non Christiane passim uiuatur, et quantis sceleribus populus Dei cōtaminatus sit, a quibus purgari nō potest, nisi uos et doctrinæ et uitæ sanctitate gregi Christi praluceatis et acerrimi uitiorum, primum in uobis, deinde in ouibus uestris hostes et censores sitis. Confido autē de uobis quod et ipsi, quæ sunt ad ædificationē corporis Christi, quod est Ecclesia, fideliter curetis et inquiratis, atq; ab alijs subiecta cupidissime amplectamini. Dominus **I E S U S C H R I S T V S** det uobis Spiritum suum, ut in uocatione uestra digna fide ambuletis, ne cum uenerit, Sūmus ille princeps Pastorum, sanguis perditorum ouium, de manibus uestris requiratur. Amen.

Porro, priusquā propositam materiam aggrediar, oro et hortor, per dominū Iesum Christum, omnes quicūq; ueram Iustificationis nostræ rationē, uel ex his nostris, uel ex aliorum scriptis cognoscere uolent, ut ad tantæ rei cogitationem, afferant animos non oscitantes nec securos, non contemptores, neq; de se magna præsumentes, aut malitiosos, sed timentes Deum et modestos ac humiles, sed sinceros candidosq; et ab admiratione sui alienissimos, hæc enim si cui non adsuerint, quā uereor ne paruo cū fructu et hæc

et hæc et omnium piorum scripta legat. Qui uero his instructi ac muniti ad lectionem acceperint, Confido in Domino Iesu Christo, pios quidem et iam Iustificatos sanctificatosq; , magis etiam pios inde abituros esse, non iustificatos uero, ad ueram iusticiam et pietatem peruenturos.

Te Domine **I E S U** Christe cū Patre et Spiritu sancto tuo Deus in æternum benedicte, obsecro propter magnam misericordiam et nomen tuū sanctū, ut regas sensus et cogitationes nostras, uerbo et Spiritu tuo sacrosancto, aperiasq; os et aures creaturæ tuæ ad annunciandam et percipiendam laudem tuam, in salutem animarum nostrarum. Ego in nomine tuo sancto, quæ tu Domine infanti dederis, narrabo.

Quicūq; rectam Iustificationis nostræ rationem tenere aut etiam docere, imo uero ipse iustificari et ueram iusticiam consequi, nec unquam amittere cogitat, ei decem sequentia doctrinæ celestis capita probe nota et certa fide persuasa esse debent.

Primū, Quod Deus sit qui iustitiā quidem He. 11.  
uere uult ac diligit, et præmijs afficit, Inuistiā  
autē et peccata cuiuslibet pariter grauissime et Am. 19.  
iustissime odit, abominatur, et impunita non Mal. 4.  
sinit. Hoc inquam, o homo: ante omnia te ex Rom. 2.



animo agnoscere et credere oportet, ut si peccati  
 reus conuincaris, si tibi uires nullas esse ad bene  
 agendū perspicias: principio seriam penitentiam  
 agere et uero corde dolere possis, quod conditori  
 tuo displiceas, quod illi ægre facias, ac proinde  
 penis et supplicijs dignus sis. Deinde quia potētia  
 recta faciendi destitutus. cum placare, et placita  
 illi agere nullo modo possis et tamen debeas, nisi  
 damnari uelis, tum statim erepidus circumspicias  
 cupidissime aliquod refugiū, ubi ab ira Dei tutus  
 esse, imo eam abolere et facultatē benefaciendi tibi  
 cōparare possis. Alioqui si hoc fundamēto totius  
 He. 6 Religionis careas. Quorsum attinebit te de iusti-  
 ficatiōe doceret? Cur mala nostras? cur bona amis-  
 sa? aut misericordia Dei et beneficia Christi an-  
 nunciabuntur? Scilicet ille iustificari desiderabit,  
 misericordiæ cupidus erit, ulla penas peccati  
 crederet, penitentiā ager, a uoluptate peccati disce-  
 deret, qui Deum peccato, ita ut dictū est, irasci ne-  
 gabit. Huic uero quid quaeso Christus prodesse  
 poterit? Itaq; hoc primum, fundamenti uice,  
 Iustificationi tuæ et aliorum ponito.

Secundū erit, ut cum fide scias: quā iniusti et  
 Io. 14 peccatores nascamur et simus, quoue bono tali  
 15. natiuitate nostra priuemur. Nascimur enim ab-  
 Ps. 40 minandis sordibus contaminatissimi, et prorsus  
 s. 50. peccato

peccato destructi. Priuamur autē omni integritate,  
 reſtitutione et innocentia nostra, cum qua primus Gen. 6.8.  
 parens noster creatus erat, et nos progenerare Hic. 17.  
 debebat: Præterea destituimur, uera Iustitia uera  
 Dei gloria, et eo quod nos iustos, et ad bonum Ro. 3.5.7.  
 potentes faceret, atq; ad iusta et sancta opera ex-  
 citaret, neq; amplius quicquā boni ex nobis facere Eph. 2.  
 possumus. In summa, priuamur omni uera uita, 2. Co. 3.  
 hereditate regni celestis et filiorum Dei iure, et Ioan. 15.  
 alijs omnibus, quibus perfecta et uera felicitas Gen. 3.  
 ac beatitudo primorū parentū constabat, quæ nos  
 certe uel eadem uel paria, aut etiam præstantiora  
 recuperare necesse est, uel perire.

Tertium huic infelicitati succedit, ne dubites  
 aut ignores: quæ sint pænæ istius ipsius infelici-  
 tatis nostræ, seu sordium, peccati, et iniustitiæ, et  
 eius cum qua nascimur, et eius quā nati per omnē  
 uitam sceleribus nostris accumulamus. Sunt enim Gen. 2.7.  
 horū omnium pænæ, ira Dei immēsa, mors et dam- Rom. 5.6.  
 natio æterna, cruciatus inferni nunquā finiendi, et  
 Ephe. 2.  
 omnes ærumnæ, tam præsentis quā futuræ uitæ,  
 Non enim idem est, pœnas alias incurrere, et bona  
 amittere. Quod ipsum, etsi est satis grauis pœna,  
 tamen multi regnū ecelorū contemnūt, quum utiq;  
 mori et inferni pœnas pati nolint, imo felices se  
 putarent, si in hac uita quam nunc agunt, liceret



illis perpetuo degere, aut si moriendum est, una  
sensum quoq; amittere, quod et Satan uelit, po-  
tius quam cruciatur.

**Gal. 2. 3.** Quartū post hæc tria, Scies et credes, quod  
**Ro. 2. 4. 8.** nostris uiribus, pænis, satisfactiōibus et meritis,  
**Ioan. 6.** quæ quis cogitauerit, nō tantū nō possumus bona  
**Psal. 114.** peccato amissa, recuperare, sed ne ab ipso quidem  
**129.** peccato, et malis quæ illi debentur, liberari.

Quintum quoq; illud non ignorabis. Quod  
sit refugium nostrū in tot ac tanta mala prolapsorū,  
et summis bonis merito spoliatorū, ad quod  
confugientes, liberati a malis, iterum omnia bona  
amissa recuperemus, et potestatem benefaciendi ac-  
quiramus. Nullum enim aliud cogitari aut esse  
**Act. 4.** potest, nisi inenarrabilis misericordia æterni pa-  
**Io. 3. 1. 14.** tris, et Dominus noster **I E S V S** Christus ac  
**Ro. 3. 8. 10** merita ipsius. In hoc enim sunt punita totius  
**Gal. 2. 3. 4** mundi peccata. Hic solus satisfecit iræ Dei, solus  
**Ephe. 2.** penas peccatis nostris debitas exoluit, solus resti-  
**Ioan. 1.** tutionem honorū amissorū promeruit: factus pro  
**Isai. 53.** nobis homo, et die octauo Circūcisus, factus sub  
lege et maledicto obnoxius, ærumnis item alijs in-  
numeris oppressus, et præstita omnigena obedi-  
entia, ac legis perfecta impletione, etiam crudelissi-  
me laceratus, blasphematus nequiter, et morte ut  
fædissima ita amarissima condemnatus, cū sceler-  
ratisq;

ratisq; crucifixus et mortuus, postremo ad infe-  
ros quoq; profectus, ne nos eo descendere opus  
haberemus. Quare sanctissimo iure, iustissimus **Io. 8. 5. 17.**  
et misericordissimus pater. propter filium et eius  
tot ac tanta merita eximit et absoluit suos ab  
omnibus pænis, quas peccato ipsorū inflixerat,  
et restituit eis omnia, quibus Adam ante lapsum  
uere beatus erat, et nos futuri eramus, si ex pec-  
eatore peccatores non nasceremur. Inter cætera **Ioan. 15.**  
aut bona, restituitur nobis, etiam facultas faciendi **Rom. 8.**  
Deo placentia et uere sancta opera, etiam si in hac  
uita perfectā obedientiam præstare non possumus.  
Miserrimi enim essemus, si nobis a pæna libera-  
tis, adhuc peccatū dominaretur, etsi copiosum et  
sanctum fructum ferre non possemus. Qualis fru-  
ctus sunt opera, sanctorū patrum a seculo, Pro-  
phetarū, Apostolorū, et omnium piorū facta pia.  
Multū enim interest inter opera et animū latronis  
illius cum Christo crucifixi, antequā iustificatus  
est, et hæc eadem postquā iustitiam est consecutus.  
Miramur enim ipsius ad Christum in Cruce con-  
uersi, pia facinora.

Sextum. Deinde post quinq; priora necessa-  
rium scitu iudicato. Nimirū. Quid nos ad miseri-  
cordiam Dei et Domini nostrū Iesum Christū et  
eius merita afferre oporteat, ut a pænis pecca-  
ti liberemur



liberemur, et bona per illud amissa nobis restituatur. Oportet enim nos asferre duo. **P**enitentiam scilicet et fidem, Penitentia autem non illam hypocrisiam, qualis uulgus peccantium ante Pascha simulat, mox ad uolubrum ceni sui rediturum. Sed ut breuiter omnia complectar, talem qualis fuit Dauidis adulteri et homicidae, qualis Manassis Idololatrae impiensissimi, qualis Petri domini Iesu aburatoris, qualis denique Mariae magdalene et omnium qui unquam iram domini pro peccatis suis uere exhorruerunt, et se conditorum et patrem suum celestem offendisse pie doluerunt, Fidem quoque uocem, non carnalem aliquam de misericordia Dei persuasionem ex temerario, supino atque osecranti assensu ortam. Sed fidem illam uiuam, a Spiritu sancto in uera penitentia excitatam, qua homo peccatis suis ex lege Dei cognitis, et conspectu irae Dei uere perterritus, ingemiscensque ac dolens, etiam seriam penitentiam agens, imo uero prostratus, et damnationem aeternam uero pauore expauescens, et per fugiū aliquod cum summa trepidatione circumspectus, audita uoce Euangelij de domino Iesu Christo et eius meritis, ac promissionibus a patre propter ipsum factis, ad eundem dominum nostrum Iesum Christum currat uelut ad unicum salutis portum, et omnium quos infernus et ira Dei insequitur tuissimum receptaculum.

Sicque eadem illa Fide, Soli misericordiae Dei propter filium et eius merita inmitte Io. 14. 15. apprehendat et in cor suum admittat atque accipiat, 6. 17. ipsum filium Dei dominum nostrum Iesum Christum, Gal. 2. et in eo Patrem et Spiritum eius sanctum, 1. 2. Co. 6. Septimum caput porro noris, quid affert secum 2. Co. 13. Dominus noster Iesus Christus, uera fide ut dictum est Rom. 8. apprehensus, et quid agit in nos, ut a malis liberari Eph. 3. et felicitati pristinae restitui possimus. Deinde quod sine id affert et agit. Nam affert quidem secum nobis, Rom. 5. reconciliationem cum aeterno patre, remissionem peccatorum, et poenarum, liberationem a dominio peccati et legis maledicto, acceptationem in filios Dei. Denique omnia sua cum Patre et Spiritu suo sancto, et imputationem omnium eorum quaecumque, aut ipse est natura sua, aut nostra causa incarnatus pro nobis suscepit, et ut ipse 1bidem. totus cum suis omnibus nobis donaretur et imputaretur Ro. 3. 6. tur promeruit. Affert etiam Iustitiam, item sanctitatem, 2. Co. 5. sapientiam, et uitam aeternam, imo ipse est cum Patre et Spiritu suo sancto, iustitia, sapientia, sanctitas et omne Hie. 23. 33. bonum nostrum, quod compensat omnia illa quaecumque, 1. Co. 7. tandem in primis parentibus nostris amisimus. Agit Io. 11. 14. autem in nos, quia nos iustificat, sanctificat, et uiuificat, 1. Io. 5. licet illi in hac uita nunquam perfecte obediemus aut obediunt. Iustificat inquam, hoc est, uere iustos reputat et facit, quemadmodum Abel, Enoch, Patriarchae, Prophetae, Apostoli, et omnes sancti pro uere iusti



iustis sunt reputati, et uere iusti, id est, boni et pii facti,  
 Psal. 71. 4 iustitia seu bonitate uel si mauis probitate filij Dei,  
 Psal. 50. eius sequentiū accedētib9 cū patre et spiritu suo sancto,  
 Isa. 59. etiā ante assumptā carnē habitabat, et eos bonos et  
 1. Pet. 1. iustos, bonitate seu iustitia sua faciebat, et ad bona  
 sancta q; et iusta opera, excitebat, ducebat et moue-  
 bat, imo etiā aptos reddebat, et illi obediebāt ei: licet  
 nō perfecte, quod nō nisi in futura uita erit. Sāctificat  
 aut et uiuiscat nos, eadem prorsus sanctitate et uita  
 sua, qua Adamū peccato polutū ac mortuū uere san-  
 ctum fecit et uiuum, qua item Paulus et ceteri sancti  
 uere uiixerūt et sancti fuerūt. Nam quicūq; ullo tēpo-  
 re, fide meritorū filij Dei, ipsū filiū dei apprehendūt,  
 Gal. 6. illos ipse diuina sua uirtute seu spiritu sancto, nouū ho-  
 Ephe. 4. minē, nouam creaturā, et saluos ex misericordia sua  
 Tit. 3. facit, per lauacrū regenerationis et renouatiōis spi-  
 tus sancti. Quotquot enim in eū credimus datur no-  
 Ioan. 1. bis potestas ut filij Dei simus. Nascimur quippe in  
 Christo, nō ex sanguinibus, non ex uolūtate uiri aut  
 1. Pet. 1. carnis, sed ex Deo, et semine incorruptibili ac ma-  
 1. Io. 3. nente in aternū, sumusq; nūc filij Dei, etiā si nondū  
 apparuit quid futuri simus. Prorsus enim conditio  
 Rom. 5. natiuitatis nos sequitur, siue cū ex Adamo, siue cū ex  
 2. Pet. 1. Deo nascimur. Nam sicut nascēdo ex Adamo, naturā  
 eius nobis agnascitur, ita nascendo ex Deo naturā  
 eius consortes simus. Sicut coherentes Adamo malis  
 quoq; eius

Rom. 5. quoq; eius obnoxij sumus, atq; tota damnatio eius in  
 nos deriuatur, ita coherentes Christo, ab omnibus  
 his propter eū liberamur. Quod si hoc iustum putas  
 et esse gaudes, et illud putes et patienter feras. Sicut  
 nascendo ex Adamo contrahimus, sordes, peccatū,  
 et horribilem iniustitiam, insuper et mortē, sumusq;  
 iniusti et peccatores. Ita nascendo ex Deo participes  
 Heb. 12. reddimur sanctitatis, iustitiæ et uitæ eius diuinæ san-  
 1. Io. 5. ctissimæ, ac iusti sumus. Sicut etiam cum ex Adamo  
 2. Co. 13 nascimur hac ipsa natiuitate peccatū non nostro uitio  
 contractū, nec proprie nostrū, nostrū fit cū omnibus  
 præmijs eius. Imputatur enim nobis: quia est in no-  
 Rom. 5. bis et agnascitur nobis. Ita quādo ex deo nascimur,  
 iustitiam et bonitatē suā, seipsum et spiritū suū, qui  
 Gen. 15. uerus Deus est nobis dans, imputat nobis deus, quasi  
 nostra esset, nō utiq; nostro, sed filij sui domini nostri  
 Iesu Christi merito, et omnigena obedientia partam.  
 Ad eundem modū, sicut peccatū Adami in nobis, est  
 peccatum et iniustitia nostra, quæadmodū innocentia  
 et iustitia eius erat futura innocentia et iustitia no-  
 stra, ita iustitia seu bonitas Dei, est bonitas et iustitia  
 nostra, et si illi perfecte obedire hic non possumus,  
 merita omnia Christi sunt merita nostra, deniq; totus  
 Deus in domino, et propter dominū nostrum Iesum  
 Christum est noster. Postremo sicut nati ex Adamo  
 Gen. 15. non habemus iustitiam seu bonitatem in nobis, quæ  
 Gen. 26. nos ad iusta et sancta opera moueat, sed omnem recti-  
 tudinem



tudinem, integritatem innocentiaq; nostram et bonum  
 in eo amisimus, ita contra nascendo ex Deo acquiri-  
 mus id quod nos moueat et ducat in omnē pietatem,  
 et recuperamus bona amissa, Christum scilicet ipsum  
 cū patre et spiritu eius sancto qui iam est nostra iusti-  
 tia, nostra innocentia, nostra sanctitas in locū amissæ  
 succedēs, cui donec in futura uita perfecte obediemus.  
 Hic enim solus facit in nobis et uelle et perficere, sine  
 hoc nihil facere possumus, hic nisi nos agat moueatq;  
 filij Dei nō sumus. Soli enim sunt filij Dei, qui spi-  
 ritu eius aguntur, et qui spiritū Christi nō habet, hic  
 non est eius. Atq; hæc sunt quæ secū affert Christus  
 in corda nostra et agit in nos. Ac profecto hæc om-  
 nia ad rationē nostræ iustificatiōis pertinent, nec ullo  
 modo iustificatus est, in quem Christus nec attulit nec  
 egit omnia, quæ diximus. Caterum quo fine asserat  
 sua et agat in nos, obscurum non est. Affert enim et  
 agit, ut et nos sancte et pie uiuentes, illū quidem ope-  
 ribus nostris bonis, coram mundo glorificemus, ipsi  
 uero beati simus, et præmiū hæreditatem regni cæle-  
 stis habeamus, et iam donatum non amittamus.

Octauum inde caput, ex superiore prorsus ma-  
 nifestū est. Nimirū, simus ne reuera liberati et in prio-  
 re locū restituti, ipsaq; liberatio nostra, et bona nobis  
 Rom. 6. 5. restituta, sint ne aliquid in re, an tantū sint imputatio.  
 Profecto enim uere sumus a penis et dominio peccati  
 liberi,

liberi, uere nobis peccata sunt remissa, et maledictio  
 legis condonata propter meritum domini nostri Iesu  
 Christi: si illum legitima fide apprehendimus, et Gal. 3.  
 in cor nostrum admissum habemus. Veram item per-  
 fectamq; habemus iustitiam, sanctitatem et uitam, 1. Co. 1.  
 Quippe habemus filium Dei dominū nostrum Iesum 1. Io. 5.  
 Christum, et patrem ac Spiritum eius sanctum, qui Col. 3.  
 tres in nobis habitantes, nos gubernant, ad sancta et  
 iusta opera mouent, uiuificant et sanctificant, licet Phil. 2.  
 illis non omnes ex æquo obedimus, suntq; unica et  
 perfectissima uita, iustitia et sanctitas nostra, in eodē  
 et propter eundem dominū nostrū Iesum Christum, Rom. 3.  
 propter cuius meritum uult Deus esse iustitia et uita  
 nostra, et imputat nobis suam bonitatem tanquam  
 nostra et ex nobis esset, et quæcūq; illo mouente agi-  
 mus, ea perinde accipit et præmijs afficit, tanquam  
 nostra ipsorum natura et bonitate moti faceremus.

Nonum porro caput illud erit, ut scias et sis,  
 qualis esse debes, sic per Christum liberatus et in eo  
 recuperatis bonis omnibus quæ amiseras, quæ item  
 perfectio tua esse potest quam diu hic uiuis. Nam si  
 iustus et sanctus reputaris et factus es, sancte iusteq; Rom. 8.  
 uiuas oportet, non uiuas secundum carnem, aut certe  
 iterum morieris, et uitam iustitiæq; dominū amittes.  
 Morifica spiritu quo uiuis facta carnis ebrietates,  
 commensationes,



1. Cor. 6. commestiones, libidines, odia, iniurias, cædes, igna-  
 Gal. 5. uiam in Dei inuocatione, superbiam, luxum, auari-  
 tiā, dolum, et similia. Nam si hæc sectatus fueris  
 morte morieris, et quis scit, an iterū reuicturus sis.  
 Tameſi enim in hac uita, quod ad obedientiā perti-  
 net perfectus esse nō potes, hoc est, nunquā hic tantū  
 obedies iustitiæ tuæ Christo, quantum debes. Adhuc  
 Rom. 7. enim habitat in te peccatū illud, cum ueteri homine  
 Adamo, nō tantū manet in te dominus Iesus Christus  
 Rom. 6. uera iustitia, Adhuc peccator es nō tantū iustus, ta-  
 men nō permittas per dominū iustitiā tuā, ut peccatū  
 in te dominetur, neq; exhibeas membra tua arma in-  
 iustitiæ peccato, sed arma iustitiæ Deo. Peccatū enim  
 tibi nō dominabitur, liberato a lege et tyrānide ipsi-  
 us. Velis modo præbere te sequacem Christo iustitiæ  
 tuæ perfectissimæ, donec exuaris peccato per mortē  
 et mortificationē eius in Christo, ut cōpleatur rege-  
 neratio et iustificatio tua, ubi tu perfecte obedias  
 iustitiæ tuæ, Domino, perfecte Deum diligas, timeas,  
 et illi seruias, abolito et extirpato in uniuersum ex te  
 peccato. Interim tamen uiuas fide filij Dei, Christū  
 nulla impietate a te expellas, sed ex eo copiosum fru-  
 ctum seras, et te iustitiam ueram habere ostende, fa-  
 ciendo externam iustitiā operū, quæ fructus est illius  
 Ioan. 15. ueræ quæ est intra te, Ipse dominus noster Iesus  
 Gal. 2. Christus cum patre et Spiritu suo sancto. Caue autē  
 Iac. 2. imbecillitatem tuam

10  
 imbecillitatem tuam peccato tuo prætexas: aut tibi  
 blandiaris uel in securitatē teipsum coniicias, tanquā  
 male agendo non sis iterum moriturus.

Decimum postremo caput prædictis omnibus  
 adijcito. Consolationē scilicet piorū adhuc peccatum  
 habentū, quod ipsos exercet atq; oppugnat, ut non  
 possint nō peccare, et perfecte domino iustitiæ in ipsis  
 habitanti obedire. Nam contra has reliquias malē  
 eadem illa consolatio est, quæ fuit cōtra totū corpus  
 peccati et mortis, refugium. Nimirū sola misericordia  
 Dei, et dominus Iesus Christus cum meritis suis.  
 Nam pater clementissimus propter magnā bonitatem  
 et misericordiā suā, ac meritū filij, nō imputat nobis 1. Io. 1. 2. 5  
 hanc infirmitatem nostrā eo quod filius ipsius nō pro  
 se sed pro nobis perfectissime Legem impleuit, per-  
 fectissimus etiam in obedientia fuit, ac seipsum patri  
 nostra causa hostiam gratissimā obtulit. Proinde pa-  
 ter aspiciens merita dilectissimi filij, et eius perfectā  
 pro nobis obedientiā ac legis impletionē, nostræ obe-  
 dientiæ imperfectionē nobis nō imputat, sed perfectio-  
 nem eius imputat, et nostræ carnis iniustitiam, sua et  
 filij sui regit iustitia, ac secundū illam, nō secundū im-  
 perfectionē obedientiæ seu operū nostrorū nos iustos  
 cenſet. Ita tamen ut nunquā seriam penitentiā agere  
 desinamus. Et sic remitte nobis debita nostra oremus.  
 Ut et ipsi debitoribus nostris errata illorum ex cor-  
 dibus



Math. 6. debis nostris remittamus, neq. contra conscientia uer  
1. Io. 3. per impiam securitatem ea peccemus, quæ adiuuante  
1. Pe. 3, 4. Domino cauere possimus. Si tamen et in hoc ipsum  
quod absit iuciderimus. Iustitiam quidem nostrā Do  
minū amittimus continuo, sed habemus Aduocatū eun  
dem apud Deum, Christum Iesum, ut per eum uerā  
pænitentia et fide, misericordiam eandem, quā prius  
cōsequamur, sicut Petrus, Dauid, Manasses, multiq.  
alii etiam in horrenda peccata prolapsi, uerā pæn  
itentia ac fide sunt restituti. At caue pecces spe salu  
taris misericordiæ, aut pænitentia et fidei. Nam ut  
maxime in hac uita cum Dauide et Manasse non pæ  
nitiaris pænis grauissimis, tamen nescis, an collapsus  
pænitentiam agere et fide consurgere possis. Itaq.  
certum nactus bonum, ne illud incertissimæ aleæ com  
miseris, sed per bona opera fac certam uocationem  
et electionem tuam.

#### Errata.

Fol. 4. pro Am 19. lege. 5. 9.

Fol. 5. fac 2. pro Ro. 2. lege 3.







